



Aftree-Oord
Retirement Village

Webbweg 1244 Webb Road
Queenswood Pretoria
0186

Tel. 012 333 4445x103

Web
www.huisherfsblaar.co.za

Welsyn / Social nr
001-676NPO

Epos / Email
manager@huisherfsblaar.co.za

BTW / VAT nr
4960184465

Die Nasionale Staat van Rampbestuur

COVID -19 BEPERKINGS MEENTHUISSE

Wat is belangrik om te weet:

28 Maart 2022

Ons wil eerstens almal bedank vir hulle volgehoue ondersteuning oor die afgelope jare wat baie nuwe uitdagings gebring het waar groot swaarkry verduur en ondraaglike verliese gely is. Tog het ons ferm gestaan teen die aanslag en saam aksie geneem om onself en die gemeenskap te beskerm. Ons versoek u ook om te help dat ons voortgaan om die grootste versigtigheid en sorg te beoefen altyd waaksaam te wees en dat ons voortgaan om te volhard in ons vasberadenheid om hierdie virus te verslaan.

Met die ophef van elke Vlak en implementering van die volgende Vlak is dit steeds vir ons nodig om met groter waaksaamheid en verantwoordelikheid na onself en so ook na ander, se veiligheid om te sien. Terwyl die maatreëls wat ons neem groot swaarkry veroorsaak, is dit noodsaaklik dat ons verantwoordelikheid neem en met groot versugting in die tyd wat voorlê na almal se veiligheid omsien en weet dat 'n onbeheerde oplewing van infeksie kan plaasvind.

Ons gesamentlike en individuele optrede bepaal hoe oordrag beheer word.

Voorkomingsmaatreëls

Waarom is sosiale distansiëring belangrik?

Wanneer mense hoës of nies, versprei daar klein druppeltjies uit hul neus of mond. Hierdie druppeltjies kan die virus bevat en kan oorgedra word indien jy te naby aan hulle staan. Jy kan die druppeltjies ook inasem.

Aanbeveling

Sosiale distansiëring is een van die maatreëls wat die regering sterk aanbeveel om COVID-19 te beveg.

Moenie aan jou gesig vat nie, veral jou oë, neus en mond.

Moenie in jou hand hoës of nies nie. Bedek jou mond en neus met 'n sneesdoekie en gooi die snesie dadelik weg.

Was jou hande gereeld met seep en water vir minstens 20 sekondes.

Gebruik gereeld 'n handreiniger wat minstens 70% alkohol bevat.

Was oppervlaktes waaraan gereeld gevat word met ontsmettingsmiddel of seep en water. Dit is ook belangrik om aanwysings te volg en te keer dat items beskadig word.

Elektroniese toerusting soos selfone, sleutelborde en ander elektroniese toestelle is uitgesluit omdat dit beskadig kan word.

Besoeke: Meenthuis

Inwoners

Interne besoeke in meenthuis kuiers tussen Inwoners mag geskied indien ons aan die volgende vereistes voldoen.

- Met binnenshuis besoek slegs 10 persone per eenheid.
- Met inwoner kuiers of saamtrek waar meer as een huis benut word kan die groep bepaal van watter fasiliteite gebruik gemaak word en sodoende waarborg dat die veiligheid van ander in ag geneem word.
- Tydens binnenshuis besoek moet deur en vensters van vertreke waar besoek plaasvind oop wees.
- Maskers mag slegs met die inwoner se toestemming verwyder word.
- Binnenshuis besoek moet nie bots met enige dienste wat gelewer word nie.
- Sou daar mense wees wat in u eenheid kom om diens te lewer tydens 'n besoek moet besoeke na buite beweeg en nie in die eenheid toegelaat word tot die diens voltooi is nie.
- Inwoners bepaal self op watter dae besoeke by hulle meenthuis toegelaat word.
- Inwoners bepaal ook self watter tyd vir hulle geleë is en maak die nodige reëlings vir so besoek.
- Inwoners mag ook besluit om geen besoekers te ontvang nie. So besluit moet ook altyd eerbiedwaardig word.

Besoeke van familieleden en vriende

Besoeke aan meenthuis mag geskied indien ons aan die volgende vereistes voldoen.

- Met besoek slegs 10 persone per eenheid.
- Tydens so besoek moet deure en vensters van vertreke waar besoek plaasvind oop wees.
- **Maskers binnenshuis is verpligtend.**
- So besoek moet nie bots met enige dienste wat gelewer word nie.
- Sou daar mense wees wat in u eenheid kom om diens te lewer tydens 'n besoek moet besoekers na buite beweeg en nie in die eenheid toegelaat word tot die diens voltooi is nie.
- Inwoners bepaal self op watter dae besoeke by hulle meenthuis toegelaat word.
- Inwoners bepaal ook self watter tyd vir hulle geleë is en maak die nodige reëlings met besoekers.
- Inwoners mag ook besluit om geen besoekers te ontvang nie. So besluit moet ook altyd eerbiedwaardig word.
-

BEHEER VAN BESOEKERS:

- Slegs persone wat volledig ingeënt is, kan om besoek aansoek doen.
- Slegs persone wat die aansoek vir die toegangskart voltooi, ingedien en goedkeuring gegee is sal 'n kart ontvang en toegelaat word om die perseel binne te gaan.
- Hierdie kart moet aangebied word wanneer u by die hek aankom vir 'n afspraak. Indien u nie die kart by u het nie sal toegang geweier word.
- Persone onder 18 kan slegs toegelaat word as ouers en inwoner volledig ingeënt is:
 - ouers is verantwoordelik vir beheer van minderjariges.
 - ouers moet toesien dat aansoek vir die nodige toegangskart betyds voltooi, ingedien en ontvang is anders sal toegang nie moontlik wees nie
 - Persone onder 18 mag ook slegs in die tuin kuier en nie in die Hoofgebou wees nie.
- Besoekers kan by u oorslaap met voorsorg soos
 - Dat dit binne die reëls van Huis Herfsblaar is en bestuur ingelig is.

- Die inwoner is verantwoordelik om te sorg dat kontak met ander inwoners vermy word.
- U sal met vertrek van die besoekers in u eenheid vir minstens **3 dae gemoniteer word vir simptome.**

- Geen besoeker mag so stilhou dat dit ander inwoners versper nie. Indien daar nie plek is nie kan u buite die perseel parkeer. Besoekers is self verantwoordelik vir die veiligheid van hulle voertuig en die inhoud.
- Indien goedere saamgebring word, versoek ons dat u asseblief die nodige ontsmetting doen voor u dit vir die inwoner gee of wegpak.
- Aflewerings moet by die hoofingang se hek gedoen word en die pakkies mag nie direk hande verwissel nie. Die persoon wat aflewer ontsmet sy/haar hande en sit die pakkie neer, u ontsmet u hande voor u dit neem.

Let asseblief daarop dat indien ons nie aan die reëls soos in hierdie dokument verduidelik voldoen nie, dit kan lei tot die onttrekking van die besoeker se kaart en toekomstige toegang sal geweier word.

INWONERS WAT UITGAAN.

- U is verantwoordelik vir u eie en die veiligheid van ander.
- Dit is steeds beter om uit te gaan en u kinders te besoek eerder as om besoekers te ontvang.
- U mag u familie of vriende besoek en hoef dus nie 'n rede te soek om die perseel te verlaat nie.
- U hoef nie aansoek te doen vir 'n permit nie maar moet steeds die hekwag inlig oor u bewegings.
- U mag uitslaap of met vakansie gaan solank u die spreekkamer verwittig van u reëlings en weer kontak sodra u terugkeer.
- Kontak die verpleegsusters se spreekkamers **0724881852 of Herfsmid 012 333 4478** en stel hulle in kennis van u terugkeer.
- Inwoner moet asseblief nie gedurende die eerste 3 dae binnenshuise aktiwiteite of besoeke by ander inwoners aflê nie.
- Die personeel van die verpleegsprekkamer sal na u eenheid kom en reël vir twee besoeke tussen 07:00 en 17:00 om te monitor vir enige simptome. Hulle kan ook bepaal self die nodige toerusting voorsien of self te monitor
- Waar geen simptome teenwoordig is nie, kan inwoner vrylik na die buitelug beweeg waar hulle sonder masker kan wees.
- Die dra van 'n masker wat die neus en mond bedek is verpligtend wanneer u in die gebou inbeweeg en wanneer iemand u eenheid betree.
- U sal met u terugkeer in u eenheid vir minstens **3 dae gemoniteer word vir simptome.**
- Indien 'n inwoner wel simptome toon, sal hulle geëvalueer word om te bepaal of enige toetse vereis word en voorgestelde prosedure sal met die inwoner bespreek word. Inwoner kan as voorsorgmaatreël tydelik in isolasie gehou word tot uitslae van toets ontvang is.
- Indien dit onder ons aandag kom dat 'n inwoner nie die nodige maatreëls nakom nie of dat hulle dalk kontak gehad het met persone wat positief is, sal hulle in kwarantyn geplaas word.
- Indien dit onder ons aandag kom dat 'n inwoner nie die nodige maatreëls nakom nie of dat hulle dalk kontak gehad het met persone wat positief is, sal hulle in kwarantyn geplaas word.

AS ONS NIE DIE MAATREËLS GEHOORSAAM NIE, STEL ONS NIE NET ONSSELF IN GEVAAR NIE, MAAR OOK ANDER WAT HOË RISIKO GEVALLE IS.

ONS WIL U ALMAL BEDANK VIR U SAMEWERKING.